



Վ. ԴԱՐՅԱՆ

ԱՄՐԵՐՏ

ԱՐԱԳԱՄԻ ԿՐԱ

ԽՈՐՀՐԴԱՅԻՆ

ԳԱՎԱՌԱԳԻՏՈՒԹՅՈՒՆԸ

ՅԵՎ

ԴՊՐՈՑԸ

ԼՈՒՍՆՐԱՏ

10 NOV 2017

ՀԱՅԿԱԿԱՆ ԽՍՀ ԼՈՒՍԺՈՂԿՈՄԱՏ

ԿԵՆՏՐՈՆԱԿԱՆ ԳԱՎԱՌԱԳԻՏԱԿԱՆ ԿԱԲԻՆԵՏ

91
7-27
սև

Վ. Գ Ա Ր Յ Ա Ն

ԽՈՐՀՐԴԱՅԻՆ ԳԱՎԱՌԱԳԻՏՈՒԹՅՈՒՆԸ
ՅԵՎ ԴՊՐՈՑԸ

Լ Ո Ւ Ս Հ Ր Ա Տ

ՅԵՐԵՎԱՆ

1939 թ.

Պատ. խմբագիր՝ Մ. ԱՐՄԵՆՅԱՆ

Սրբագրիչ՝ Վ. ՊՈՂՈՍՅԱՆ



1317
40
9

ԽՈՐՀՐԴԱՅԻՆ ԳԱՎԱՌԱԳԻՏՈՒ- ԹՅՈՒՆԸ

Համկ(բ)կ 18-րդ համագումարի պատմա-
կան վորոշումները և մեր ժամանակաշրջանի
մեծագույն մտածող ու առաջնորդ ընկեր
ՍՏԱԼԻՆԻ զեկուցումը, հզոր լուսարձակի պայ-
ծառ շողերի նման տարածվեցին մեր լայնա-
ժալալ յերկրի բոլոր անկյունները, նոր լիցք
տվեցին խորհրդային ժողովրդին, ուղենիշ ասող
հանդիսացան սոցիալիզմից աստիճանաբար կոմու-
նիզմին անցնելու պատմական մեծ դարաշրջանը
կերտելու՝ կոմունիզմ կառուցելու գործում:

Ե՛լ ավելի սկսեցին բոցավառվել մէք մեծ
առաջնորդի ցուցումները խորհրդային հայրենա-
սերների սրտում:

Խորհրդային ժողովուրդը Լենինի-ՍՏԱԼԻՆԻ
մեծ և պանծալի կուսակցութեան, ընկեր ՍՏԱԼԻՆԻ
ցուցումներով և ղեկավարութեամբ ստեղծեց
կուլտուրական, ուրախ ու յերջանիկ կյանք:

Հագարավոր աշխատավորներ ճանապարհոր-
դություններ են կատարում, եքսկուրսիաներ ու

եքսպեդիցիաներ են կազմակերպում դեպի մեր լայնածավալ յերկրի հեռավոր անկյունները, դեպի յերկնամբարձ լեռներն ու կապուտակ ջրերը՝ մեր սքանչելի հայրենիքն ուսումնասիրելու և ճանաչելու համար:

Պատմության մեջ չտեսնված ծավալով զարգանում և խորհրդային ժողովրդի հետաքրքրությունն ու սերը դեպի իր հայրենիքը:

Բոլորը ձգտում են ճանաչելու և ուսումնասիրելու մեր յերկրի անցյալ պատմությունը, Մեծ Հոկտեմբերի համար մղված պայքարի պատմությունը, սոցիալիստական շինարարությունը, մեր յերկրի անհուն և անսպառ հարստությունները, նոր կյանքը:

Խորհրդային գավառագիտությունը, վորպես մեր հզոր հայրենիքն ուսումնասիրելու, ճանաչելու գործ, վորպես խորհրդային հայրենագիտություն, ընկեր ՄՏԱԻՆԻ գեկուցումից հետո նոր թափ և ստանում և ավելի ու ավելի յե սկսում ծավալվել:

Անցյալում գոյություն ունեցող գավառագիտական ընկերություններում և գավառագիտական բյուրոներում ծվարած՝ ժողովրդի թշնամիներն այդ կարևոր բնագավառը նույնպես վտանգել էյին իրենց վնասարար գործունեյությամբ:

Գավառագիտական կազմակերպությունները վերածվել էյին անգործունյա և ապաքաղաքականացած մի կազմակերպության, վորոնք իրենց աշխատանքները տանում էյին մեկուսի, առանց վորևե կապ ունենալու կուսակցական և խորհրդային կազմակերպությունների հետ, կարված ժողովրդական լայն մասսաներից՝ ահա ժողովրդի թշնամիների սեվ գործի ամենակեղտոտ մեթոդները:

Ահա թե ինչո՞ւ միանգամայն ժամանակին եր ու տեղին, յերբ մեր վերագաս որգանները 1937 թվին վորոշում ընդունեցին վերացնելու գավառագիտական բյուրոները և ընկերությունները:

Այդ կազմակերպության վերացումից հետո, փոխանակ գործը տեղից շարժելու և վնասարարության հետքերն անհապաղ վերացնելու ու նոր թափ հաղորդելու այդ չափազանց կարեվոր բնագավառի աշխատանքներին, ընդհակառակը՝ գավառագիտության աշխատանքները հանցավոր կերպով, դրեթե բոլորովին մոռացության աբվեցին: Վորոշ շրջաններում ու դպրոցներում գոյություն ունեցող գավառագիտական նյութերը ցաք ու ցրիվ արվեցին, քայքայվեցին գավառագիտական փոքրիկ թանգարանները:

Նույնիսկ գանվեցին մարդիկ, վորոնք գավա-

ուագիտական ընկերությունների վերացումը բացատրեցին վորպես գավառագիտական աշխատանքների վերացում:

Այդ, անշուշտ, թշնամական վերաբերմունքի արտահայտություն էր դեպի խորհրդային գավառագիտությունը և գավառագիտական ակտիվը:

Մեր յերկրում ունենք հազարավոր գավառագետներ. այդ ապացույց է այն բանի, վոր մեր մեծ ու հզոր հայրենիքն ուսումնասիրելու, այն ճանաչելու ցանկությունը շատ մեծ է խորհրդային ժողովրդի մեջ:

Բանվորները, կոլտնտեսականները, ինտելիգենցիան, ծառայողներն ու մասնագետները, մեր դպրոցականներն ու յերիտասարդությունը ծարավի յե մոտիկից ճանաչելու և ուսումնասիրելու մեր ծաղկող ու յերջանիկ կյանքով ապրող աշխատավորների մեծ հայրենիքը: Նրանց հետաքրքրում է այն ամենը, ինչ ոգտակար է և ինչ նպաստում է սոցիալիստական հայրենիքի ամրապնդմանը, բարգավաճմանը, պաշտպանությունը:

Այժմ մեր յերկրում ունենք բազմաթիվ պատանի և յերիտասարդ գավառագետ կոմյերիտականներ ու պիոներներ, վորոնք հսկայական աշխատանք են կատարում: «Ուզում եմ ոգտակար լինել մեր սիրելի հայրենիքին, ուզում եմ ոգնել սոցիալիստական յինարարությալը».- ահա

թե ինչն է վոգեշնչում և առաջ մղում պատանի ու յերիտասարդ գավառագետին:

Գավառագիտությունը, վոր բառացի նշանակում է «գավառը գիտենալ», այսինքն ճանաչել տվյալ վայրը, դեռևս չի արտահայտում այդ հասկացողության վողջ էյությունը, նշանակությունը: Դեռևս մեր գավառագետներից վոմանք այն թյուր կարծիքն ունեն, թե գավառագիտական ուսումնասիրությունների ոբյեկտը պետք է հանդիսանա միմիայն շրջանը, առանձին վայրը, գյուղը, քաղաքը:

Այդ «գավառ» բառի հին հասկացողություն լինելը թյուրիմացության մեջ է գցում շատերին:

Միանգամայն իրավամբ պետք է նշել, վոր իրոք «գավառագիտություն» բառը լրիվ չի արտահայտում մեր յերկիրն ուսումնասիրելու գործի վողջ էյությունը, խորհրդային հայրենագիտության վողջ բովանդակությունը: Չե՛ վոր «КРАЕВЕДЕНИЕ» հասկացողությունն ավելի լայն է ու բովանդակալից, քան թե «գավառագիտություն»-ը: Այդ տեսակետից ավելի ճիշտ կլիներ, յեթե. ասեինք՝ «յերկրագիտություն».- այսինքն մեր յերկիրը «գիտենալու», ճանաչելու գործ:

«Յերկրագիտություն» բառն ավելի կհամապատասխաներ «КРАЕВЕДЕНИЕ» հասկացողու-

թյանը, քան թե մինչև հիմա ընդունված «գավառագիտութիւն» բառը:

Շատերը կարծում են, վոր գավառագիտութիւն բովանդակութիւնը միայն «գավառ»-ն ուսումնասիրելն է՝ և քանի վոր այժմ «գավառ» հասկացողութիւնը, վորպես վարչական միավորի հասկացողութիւն, վաղուց է վերացված, ապա ուրեմն գավառագիտութիւնն էլ պետք է վերանայ: Հակառակ դեպքում, այն պետք է փոխարինել մի ուրիշ հասկացողութեամբ, թերևս՝ «շրջանագիտութեամբ», վորպեսզի ուսումնասիրվի միմիայն շրջանը՝ իր բոլոր առանձնահատկութիւններով, անցյալով, կուլտուրայով և կենցաղով: «Շրջանագիտութիւն» — այս ավելի ճիշտ կլինի, — ասում են վոմանք, — քանի վոր նախկին գավառներն այլևս չկան և նրանց փոխարեն այժմ, վորպես վարչական միավոր, շրջաններն են, ապա ուրեմն գավառագիտութիւնն էլ պետք է փոխարինել «շրջանագիտութեամբ»:

Այս տեսակետից ավելի լավ կլիներ, յեթե մենք դեն գցեյինք այդ հնացած «գավառագիտութիւն» բառը և նրա փոխարեն գործածեյինք «խորհրդային յերկրագիտութիւն» կամ «խորհրդային հայրենագիտութիւն» բառերը: Բայց քանի վոր «գավառագիտութիւն» բառը ներկա դեպքում պայմանական նշանակութիւն ունի և հասարա-

կայնութիւն է ստացել, առայժմ մենք այդպես էլ կշարունակենք անվանել՝ «գավառագիտութիւն» — ուրեքեն «краеведение» բառի փոխարեն:

«Վերաստեղծել իրականութիւնը կարելի չէ միմիայն այն ժամանակ, յերբ մենք այն նանայում ենք».— ասում է ընկեր ՄՏԱԻՆԸ:

Այդ տեսակետից փոխվում է նաև գավառագիտութեան բովանդակութիւնը:

«Գավառագիտութիւնը չի կարող ընդգրկել վողջ հանրապետութիւնը, այն, ժամանակ այդ գավառագիտութիւնն չի լինի», — ասում են նախկին՝ գավառագետները:

Անշուշտ սխալ է հարցի այդպիսի մեկաբանումը: Ուրեմն ի՞նչ է գավառագիտութիւնը:

Խորհրդային գավառագիտութիւնը — այդ խորհրդային հայրենագիտութիւնն է, մեր հայրենիքը ճանաչելու, ուսումնասիրելու միլիոնավոր աշխատավորների բուռն տենչանքը: Իսկ մեր հայրենիքը չէ վոր միայն շրջաններով չի սահմանափակվում: Այստեղից միանգամայն պարզ է, վոր գավառագիտական ուսումնասիրութիւնները չեն սահմանափակվում շրջաններով, մի հանրապետութեամբ, այլ ընդգրկում են վողջ խորհրդային Միութիւնը, բոլոր ժողովուրդների մեծ Հայրենիքը:

Մեր կոլտնտեսականի, բանվորի, ինտելիգենտի, դպրոցականի բուռն ցանկությունն ե՛վոչ միայն ուսումնասիրել իր կոլտնտեսությունը, իր շրջանը, իր վայրը, այլև մեր յերկրի կենտրոնական մասերից մինչև հեռավոր ծայրամասերն ընկած հետաքրքիր օբյեկտները, գործարանները, հանքերը, կոլտնտեսությունները, պատմական նշանակություն ունեցող հետաքրքիր վայրերը և այլն:

Մեր յերկրի, շրջանի, բնակավայրի ճանաչողությունը պատմության, բանվորների և գյուղացիների՝ իրենց շահագործողների դեմ մղած պայքարի հերոսական մարտերի և անցքերի ուսումնասիրությունը, բուսական և կենդանական աշխարհի ուսումնասիրությունը, ոգտակար հանածոների հայտնաբերումը, տեղական ֆուկլորի, ազգագրության, հնությունների ուսումնասիրություններն ու հավաքը, — ահա այս բոլորն ոգնում են գավառագետին՝ մեր յերկրի անցյալը և սքանչելի ներկան ճանաչելու:

1932 թվին, ԽՍՀՄ ընդերքի միութենական հետախուզություններ կազմակերպելու առնչությամբ, «Կոմսոմոլսկայա պրավդա»-յի խմբագրությանն ուղղած իր նամակում ընկ. Վ. Վ. ԿՈՒՅԲԻՇԵՎԸ գրել է. —

«Մենք դեռ չե՛մք քիչ ենք ճանաչում մեր յերկիրը: Մենք պե՛տք է ճանաչենք մեր յերկիրը: Այս խնդիրը չի կարելի իրագործել միայն մասնագետ յերկրաբանների ուժերով, հետախուզական պարտիաների միջոցով, վորոնք ռդարկվում են մեր գիտական յե՛վ տնտեսական մարմինների կողմից:

Մեր բնական հարսությունների ուսումնասիրությունը չի կարելի պակեբացնել՝ առանց բանվոր դասակարգի շարքերից կամավոր աշխատողների լայն մասսաներ գործի մեջ ընդգրկելու»:

Ընկեր ԿՈՒՅԲԻՇԵՎԻ այս խոսքերը պետք է միշտ հիշել, յերբ խոսքը վերաբերում է մեր յերկիրը ճանաչելուն:

Այստեղից պարզ է, վոր խորհրդային գավառագիտությունը վոչ թե ապաքաղաքական գործ է, այլ մասսայական, քաղաքական, կուլտուրական մեծ գործ է, սոցիալիստական արդյունաբերության և գյուղատնտեսության զարգացմանը նպաստող, ԽՍՀՄ աշխատավորության ծաղկող կուլտուրայի զարգացմանը նպաստող գործ, մեր մեծ յերկիրն ու առանձին շրջանները բազմակողմանի և գլխա-

կանորեն ուսումնասիրող արժեքավոր գործ, ինտերնացիոնալ դաստիարակութեան գործ:

Անցյալում գավառագիտութեամբ զբաղվող մարդիկ պարփակվել էին հեռավոր անցյալի հուշարձաններն ուսումնասիրելու և պեղումներ կատարելու նեղ շրջանակի մեջ: Հաճախ նրանք ավելի շատ նպաստում էին կրոնական կուլտուրայի տարածմանը՝ անցյալի կրոնական հուշարձանները չ'ձեմովորելով համապատասխան հակակրոնական բովանդակութեամբ: Սակայն չպետք է մոռանալ, վոր խորհրդային գավառագետները պետք է ուսումնասիրեն վոչ միայն մեր անցյալ պատմութեան հոյակապ կոթողները, այլ նաև մեր փառապանծ ներկան, պետք է վերհանեն մեր հայրենիքի սոցիալիզմի շինարարութեան լուսապայծառ առօրյան ու անսահման հարստութիւնները:

Մորհրդային գավառագիտութիւնը, վորպէս մասսայական հասարակական շարժում, պետք է ընդգրկի իր մեջ լայն ժողովրդական մասսաներ, գավառագիտական աշխատանքը պետք է սերտ կերպով կապված լինի հեղափոխական կոնկրետ հուշարձանների կուլտուր-կրթական աշխատանքների հետ, վորոնք կապված են կուսակցութեան և կառավարութեան ղեկավարների անունների և

հոյակապ գործունեյութեան հետ, ինչպէս նաև պատմութեան, արվեստի, ճարտարապետութեան, հնագիտութեան և այլ հուշարձանների հետ:

Գավառագիտական վողջ աշխատանքը պետք է ներժծված լինի հակակրոնական բովանդակութեամբ: Այս ամենից շատ վերաբերում է անցյալի պատմական հուշարձաններին, վորոնց մեջ Հայաստանում գերակշռող են հանդիսանում հին վանքերն ու յեկեղեցիները: Այսպէս ուրեմն՝ խորհրդային գավառագետը պետք է ուսումնասիրի մեր յերկրի անցյալ և ներկա պատմութիւնը վոչ միայն դասագրքերով, այլ նաև պատմա-կուլտուրական այն կոթողներով, վորոնցով շատ հարուստ է մեր յերկիրը:

Ուսումնասիրել և պահպանել հին և նոր կուլտուրայի հուշարձանները, քաղաքացիական կոնվների, կուսակցութեան և կառավարութեան ղեկավարների անունների հետ կապված հուշարձանները—ահա խորհրդային գավառագետի առաջնահերթ խնդիրներից մեկը:

«Չարգացնել ու արմատավորել խորհրդային հայրենասիրութիւնը»,— ասաց կուսակցութեան 18-րդ համագումարում ընկեր ՄՏԱԻՆԸ:

Մորհրդային հայրենասիրութեան խոշոր լծակներից մեկն էլ հանդիսանում է խորհրդային գավառագիտութիւնը:

«Ճանաչենք մեր յերկիրը»,—այս պետք է լինի յուրաքանչյուր գավառագետի հիմնական խնդիրը:

Յերրորդ հնգամյա պլանը հսկայական խընդիրներ է դնում սոցիալիստական շինարարության բոլոր բնագավառներում:

Խորհրդային գավառագետը պետք է ոժանդակի տնտեսական բոլոր կազմակերպություններին՝ յերրորդ հնգամյա պլանում առաջադրված խնդիրները կատարելու գործում: Հայտնաբերել յերկրի ընդերքի հարստությունները և իսպաս դնել սոցիալիստական շինարարությանը, ոժանդակել աշխատանքի արտադրողականությունը բարձրացնելու ձեռնարկումներին, կոլտնտեսական բերքի բարձրացմանը և մի շարք այլ տնտեսական ձեռնարկումներին: Այս ել խորհրդային գավառագետի գործն է:

Գավառագետի ամբողջ աշխատանքի արդյունքը պետք է ամփոփված լինի գավառագիտական թանգարանում, վորի նշանակությունն անչափ մեծ է գավառագիտական աշխատանքները և ուսումնասիրություններն ավելի լայն կերպով ծավալելու տեսակետից:

Շրջանային գավառագիտական թանգարանները, դպրոցական գավառագիտական կաբինետները և վերջապես ակումբներում, խրճիթ-ըն-

թերցարաններում և այլ կազմակերպություններում գործող գավառագիտական անկյունները պետք է հանդիսանան վողջ գավառագիտական աշխատանքների կենտրոնը և կազմակերպիչը:

Գավառագիտությունը, վորպես խորհրդային հայրենիքն ուսումնասիրելու, այն ճայնչելու մեծ գործ, վորպես խորհրդային հայրենագիտություն, պետք է պատշաճ բարձրության վրա դնել և գինվելով ՀամԿ(Բ)Կ 18-րդ համագումարի պատմական վորոշումներով, առանձնապես՝ յերրորդ հնգամյա պլանի վերաբերյալ գավառագետների ուղադրությունը պետք է բևեռել տեղական հումքային աղբյուրների հայտնաբերման, տեղական սպառման աւարկանների արտադրության գարգացման, յերկիրն ուսումնասիրելու բազմաթիվ ու բազմազան հարցերի վրա: Իսկ այդ աշխատանքները կարելի յե հաջող կազմակերպել միմիայն այն դեպքում, յերբ շրջանում կամ յուրաքանչյուր դպրոցում հիմնադրվի գավառագիտական թանգարան, յերբ յուրաքանչյուր թանգարանի շուրջը կհամախմբվի տեղական գավառագիտական ակտիվը, կստեղծի խորհուրդ, վորը և կ'ղեկավարի վողջ գավառագիտական աշխատանքը շրջանում, յուրաքանչյուր դպրոցում և գյուղում:

ԳԱՎԱՌԱԳԻՏՈՒԹՅՈՒՆԸ ՅԵՎ ԴՊՐՈՑԸ

Խորհրդային գավառագիտության բոլոր բնագավառներին վերաբերող ուսումնասիրությունները դպրոցում ամբողջապես յենթարկվում են ուսուցման պրոցեսի, դպրոցի ուսումնասիրատիրարակչական նպատակներին և ոժանդակում են դպրոցականներին՝ ավելի լավ յուրացնելու գասավանդվող մի շարք առարկաներ, ինչպես որինակ. աշխարհագրություն, պատմություն, բնագիտություն և այլ ուսումնական առարկաներ, սերտ կերպով կապելով նրանց ուսումնասիրությունը շրջապատող կյանքի հետ:

Գավառագիտությունը դպրոցում ունի խոշոր դաստիարակչական նշանակություն:

Նա ոժանդակում է ավելի կենդանի և աշխույժ դարձնելու ուսուցումը, ոժանդակում է մեթոդների բարելավմանը, ինչպես որինակ. գավառագիտական ուսումնասիրությունների միջոցով հնարավոր է դառնում մի շարք առարկաների գասավանդումն ավելի հետաքրքիր դարձնել՝ կիրառելով դիտողականություն, կոնկրետ

ուսուցում, եքսկուրսիաներ և տուրիստական արսեյֆներ, լաբորատոր աշխատանքներ և այլն:

Դպրոցի գավառագիտական աշխատանքները պետք է անցկացնել՝ սերտորեն կապելով այն ուսումնական ծրագրային նյութերի գասավանդման հետ:

Գավառագիտության տարրերի կիրառման մասին ուսուցման պրոցեսում՝ իր ժամանակին միանգամայն իրավացիորեն նշված է նաև Համ. Կ(բ) կենտկոմի վորոշումների մեջ: Այդ կապակցությամբ առանձնապես պետք է հիշատակել Համ. Կ(բ) կենտկոմի 1932 թ. ոգոստոսի 25-ին ընդունած՝ «Ճարրական և միջնակարգ դպրոցի ծրագրերի և ռեժիմի մասին» հայտնի վորոշումը, վորտեղ նշված է այն անհրաժեշտությունը, վոր՝ հանրակրթական դպրոցի հասարակագիտություն, գրականություն, լեզվի, աշխարհագրության և պատմության գծով պետք է գասավանդել՝ «կարեվորագույն գիսեյիֆներ ԽՍՀՄ ժողովուրդների ազգային կուսուրաների վերաբերյալ, ևրանց գրականության, արվեստի, պասմության գարգացման, ևույնպես յեվ ԽՍՀՄ գավառագիտության սարրերը (բնության առանձնահասկություններ, արդյունաբերության, գյուղասկեսության, սոցիալ-սկեսակական գարգացումը յեվ այլն):»



Համամիութենական Կոմունիստական (բ) Կուսակցութեան վորոշման մեջ արդեն միանգամայն պարզ բնորոշվում է, վոր գավառագիտութեան տարրերը դպրոցում ամենասերտ կերպով կապված են բնագիտութեան, աշխարհագրութեան (արդյունաբերութեան), գյուղատնտեսութեան, պատմութեան, սոցիալ-տնտեսական զարգացման և այլ բնագավառների ուսումնասիրութեան հետ:

Պարզ է, վոր գավառագիտութեան տարրերը դպրոցում կիրառողը հանդիսանում է առաջին հերթին ինքն՝ ուսուցիչը: Հենց այս տեսակետից էլ անհրաժեշտ է, վոր ուսուցիչը ծանոթ լինի մեր յերկրին, բնակավայրին, այլ կերպ ասած՝ նա պետք է գավառագետ լինի:

Ուսուցիչը պետք է լավ ծանոթ լինի տրվյալ վայրի և հանրապետութեան առանձնահատկութիւններին, վեղջ խորհրդային մեր հայրենիքին:

Նա պետք է ճանաչի իր բնակավայրը, մեր յերկիրը, վորպէս տեղագրական մի միավոր՝ իր բնական, տնտեսական, կուլտուր-կենցաղային և վարչական-քաղաքական պայմաններով, թե ներկայում և թե անցյալում, պետք է կարողանա տեսնել բնակավայրի ապագա հեռանկարները՝ սերտ կերպով կապված Ստալինյան հնգամյակների մեծ ծրագրի հետ:

Յուրաքանչյուր գավառագետ (кравед) ուսուցիչ—աշխարհագրագետ, պատմաբան, բնագետ պետք է լրիվ չափով տիրապետի ուսումնասիրութեան գիտա-հետազոտական մեթոդին. նա պետք է բազմակողմանիորեն ճանաչի իր յերկիրը, իր շրջապատը, նա պետք է կարողանա կազմակերպել հետախուզական աշխատանքը դպրոցում և գյուղում:

Անդարձ անցել են այն ժամանակները, յերբ գյուղական ուսուցիչը լոկ կյանքի հանդիսատեսւրն էր: Նոր, կոլտնտեսային գյուղի ուսուցիչն իրական, ակտիվ մասնակցութիւն ունի նոր գյուղի քաղաքական, կուլտուր-կրթական կյանքի վողջ պրոցեսին. նա վոչ միայն ոգտվում է քոյկ կյանքից, այլև տալիս է նրան իր ուժերի մաքսիմումը, չխնայելով անգամ իր կյանքն իր հայրենիքի բարորութեան համար:

Դպրոցական պարամունքների գավառագիտական բովանդակութիւնը գերազանցորեն մոտեցնում է դպրոցը կյանքին, տեղական կյանքի պայմաններն ուսումնասիրելու քաղաքացիական հետաքրքրութիւն է առաջ բերում, դաստիարակում է գործնականապէս դիտելու կարողութիւն, ուշադիր վերաբերմունք դեպի շրջապատը, դատողութեան կենսական պարզութիւն,

բնակավայրի կարիքները ճանաչելու և հասկանալու ունակութիւնս:

Դպրոցական գավառագիտութեան նպատակն է՝ աշակերտներին ճանաչել տալ մեր հզոր հայրենիքը, սոցիալիզմից աստիճանաբար դեպի կոմունիզմ տանող վողջ ուղին, դաստիարակել նրանց մեջ հայրենասիրական վառ զգացումներ և ամուր վճռականութիւն՝ բնակավայրի և ամբողջ յերկրի բարգաւաճման համար աշխատելու:



Մեր բոլոր տիպի դպրոցները նոր ծրագրերը ձգտում են ուսման և դաստիարակութեան ավելի ռացիոնալ սկզբունքներ ստեղծել. այդ տեսակետից անհրաժեշտ է, վոր տեղական գավառագիտական նյութը դառնա դպրոցի ուսումնական-ծրագրային նյութի յուրացման համար, վորպես մեթոդական ոժանդակութեան անհրաժեշտ ելեմենտը, ոգտագործելով գավառագիտական ուսումնասիրութիւնները և դիտողութիւնները, վորպես ուսուցման դիդակտիկ նյութ: Մեր դպրոցներում ուսման և դաստիարակութեան համար, վորպես այդպիսի նյութ ծառայում են դպրոցը շրջապատող բնութեան կյանքը, մարդու կյանքն ու աշխատանքը և հասարակութիւնն իր անցյալով ու ներկայով:

Այսպէս որինակ՝ աշխարհագրութեան ծրագրի դասավանդման ընթացքում ուսուցիչը յուրացանչուր թեմա պետք է կապի կոնկրետ միջավայրի հետ, ոգտագործելով այդ միջավայրը վորպես գավառագիտական ուսումնասիրութիւնների ոբյեկտ: Այսպէս՝ «Յերկրագնդի կազմութեան ընդհանուր պատկերը» հատվածը դասավանդելիս յերկրի կեղեվը կազմող գլխավոր լեռնատեսակներն իմանալն անհրաժեշտ է:

«Իսկ այդ լեռնատեսակները կարելի յէ իմանալ միայն այն դեպքում, յերբ այդ լեռնատեսակը ձեռքդ էս վերցրել կամ աչքիդ առաջին է: Լեռնատեսակների նման առարկայական ծանոթութիւնը խիստ ոգտակար է: Յերեխաները վորքը հապակից հետաքրքրութիւն են հանդես բերում դեպի լեռնատեսակները, սկսում են հաւաքել, կոլլեկցիաներ կազմել և այլն: Առանց բնական լեռնատեսակը ցույց տալու յերեխաների համար յերբեք հասկանալի չեն լինում բոլոր այդ գրանիտները, գնէյսները յե՛վ բյուրեղային լեռնատեսակները, ու դրանք մնում են յերեխաների համար դատարկ ու անմիտ բառեր: Մինչդեռ յերեխաներն աշխարհագրութեան դասերին մինչե՛վ բարձրագույն դպրոցը ներառյալ, միշտ պետք է լսեն և հանդիպեն այդ լեռնատեսակների անուններին»*):

*) Մեթոդական ոգնութիւն ուսուցիչներին. Աշխարհագրութիւն, Եջ 17.

Մեր յերկիրը լեռնային յերկիր է, և այդ տեսակետից բնական լեռնատեսակների դիտողականության համար, հավաքման և կոլեկցիաներ կազմելու համար կան ամենալայն հնարավորությունները:

Վերցնենք որինակի համար մի քանի լեռնատեսակներ, վորոնցով չափազանց հարուստ է Հայաստանը: Մեր չքնող Լոռին ունի գրանիտի անսպառ պաշար: Շահալիի, Ճոճկանի, Այրումի, Սիսի-Մաղանի հրաշալի լեռնային տեսակները, Կոնգուր-Ալագյոզի հոյակապ լեռնաշղթան, Ոխշիչայը Չանգեզուրում, այս գրանիտով հարուստ մեր լեռները լսողը նյութ կարող են հանդիսանալ այդ շրջանների և վոչ միայն այդ շրջանների գպրոցների աշխարհագրության կոնկրետ մեր նշած թեման մշակելիս: Սա կլինի Գավառագրտական աշխարհագրական լավագույն ուսումնասիրությունը, վորն ուսուցման պրոցեսում կապահովի տվյալ թեմայի դիտողական, հետաքրքիր և գրավիչ դասավանդումը:

Յեվ վերջապես՝ վերցնենք մյուս լեռնատեսակները՝ Գնեյսները, վորի հսկայական պաշարներ կան հարավային Չանգեզուրում, Նյուվադի շրջանում: Այնուհետև, բյուրեղային տեսակները, վորը կարելի չէ հանդիպել Հայաստանի

բոլոր շրջաններում: Այդ բյուրեղային տեսակներից՝ անդեզիտ, պորֆիրիտ, բադալտ, տրախիտ յեվ այլն, հսկայական պաշարներ կան Սեվանի շրջակայքում, ամբողջ Շամշադինի շրջանը հարուստ է այդ լեռնային տեսակներով, Իջևիանի, Չանգեզուրի, Ալահվերդու շրջանները և այլն:

Վերցնենք մի ուրիշ որինակ. «Հրաբուխներ և ոգտակար հանածոներ» թեման:

Բազմաթիվ ոգտակար հանածոներ լինում են հենց հրաբխի մեջ և հրաբխային ժայթքումների արդյունք են: Հրաբխային փրփուրից առաջանում է հրաբխային սուճը, վորը ծառայում է վորպես լավ շինանյութ: Նույնպիսի լավ շինանյութ է հանդիսանում նայեվ ծակոտկեն (սպունգանման) լավան: Փրփրակալած լավայի մասսան՝ պեկանն ոգտագործում են հղկելու համար: Հրաբուխներն արտադրում են մեծ քանակությամբ նաև ծծումբ:

«Թե ինչ ծավալով ուսուցիչը պետք է գաղափար տա հանքաառաջացման մեջ հրաբխականության նշանակության մասին, դրան մի պատասխան տալ չի կարելի: Յեթե գպրոցը գտնվում է այս կամ այն շինանյութի կամ հանքի արդյունահանման վայրի մոտ, ապա տվյալ ոգտակար հանածոյի առաջացման հարցերը պետք

ե, ըստ հնարավորութեան պարզաբանեն մանրամասնորեն»*) :

Այստեղից ևս միանգամայն պարզ է, վոր մեզ մոտ այդ հրաբխային լավաներից գոյացած ոգտակար հանածոների՝ տուֆի, պեմզայի հսկայական արդյունահանվող պաշարներ ունենք Անիում, Արթիկում:

Յեզվ վերջապես՝ Հայկական ԽՍՀ աշխարհագրութունը դասավանդելիս ուսուցիչն աշակերտի ուշադրութունը հրավիրում է հետևյալ խնդիրների վրա:

1. Հայկական ԽՍՀ ռելեֆը, լանդշաֆտային գոնաները, մեր յերկրի առանձնահատկութունները՝ վորպես բարձր լեռնային յերկիր:

2. Թվում է սղնձի և մի շարք այլ շինանյութերի հանքավայրերը: Հայաստանի շինանյութերի հրաբխային ծագում ունենալու առանձնահատկութունները:

3. Արդյունաբերութուն—սղինձ, շինանյութերի արդյունահանութունը, մրգակոնսերվային, գինեգործական, շաքարի, կաշվի, ձեթի և նոր զարգացող մեծ չափերով եներգիա պահանջող քիմիական ճյուղերը (ՍԿ):

4. Սևանի ջրերի ոգտագործումը, վորպես հսկայական տնտեսական և քաղաքական նշանակութուն ունեցող պրոբլեմ:

*) Մեթոդական ոգնութուն ուսուցիչներին. էջ 34

Դպրոցում խնամքով յեզվ ամենայն բարեխղճութեամբ կատարված գավառագիտական դիտողութունները, ուսումնասիրութունները վոչ միայն անփոխարինելի դիդակտիկ նյութ կտան աշակերտութեանը, այլ և այդ ուսումնասիրութունները խոշոր չափով կ'նպաստեն հայտնաբերելու նորանոր լեռնային տեսակներ, նրանց պաշարների չափը և այլն: Այդ բոլոր հանածոների, լեռնային տեսակների կոլեկցիան հետագայում ի մի հավաքելով, աշակերտները և ուսուցիչները դպրոցում պետք է կազմակերպեն աշխարհագրական-գավառագիտական առանձին կաբինետ, կամ յեթե այդ հնարավոր չէ, ապա փոքր դպրոցներում, մանավանդ՝ գյուղական և շրջանային դպրոցներում կազմակերպված գավառագիտական կաբինետներում ունենալ առանձին աշխարհագրական բաժին, վորտեղ և կենտրոնացնել ամբողջ շրջանի, կամ հանրապետութեան ոգտակար հանածոները—լեռնային տեսակները:

Խոշոր նշանակութուն ունի բուսաբանութունը դպրոցական ուսումնական սիստեմում, վորպես գավառագիտական ուսումնասիրութունների առարկա:

Մեր դպրոցներում հսկայական աշխատանք է կատարվում տեղական բույսերի ուսումնասիրման բնագավառում:

Միջնակարգ դպրոցների ծրագրերում խոշոր տեղ է տրվում բուսաբանության առարկայի լաբորատոր, եքսկուրսիոն և հետախուզական աշխատանքներին: Ուսումնասիրությունների այդ մեթոդը պետք է լրիվ ընդգրկել դպրոցական ուսուցման պրոցեսն ավելի ռացիոնալ և արդյունավետ դարձնելու նպատակով:

Պետք է առաջին տեղը տալ դպրոցական ֆենտիլոգիկ դիտողություններին կուլտուրական բույսերի վրա: Նկատի ունենալով այն խոշոր ծառայությունը, վոր մատուցում է բուսաբանական ուսումնասիրությունը մեր սոցիալիստական շինարարությանը, այդ տեսակետից տեղական դպրոցի կողմից կատարվող շրջանի բույսերի ֆենտիլոգիկ դիտողությունները հսկայական նշանակություն են ստանում:

Այս տեսակետից պարզ է, վոր դպրոցը սերտ կապ պետք է պահպանի տեղական, գյուղատնտեսական կազմակերպությունների հետ, հաճախ կազմակերպել եքսկուրսիաներ դեպի տեղական-գավառագիտական թանգարանները կամ վորևէ դպրոցում լավ կազմակերպված գավառա-

գիտական կաբինետի գյուղատնտեսական բաժինը, ապա դեպի շրջանի գյուղատնտեսական փորձնական կայանը, խորհրտնտեսություն, կուտնտեսություն՝ ծանոթանալու համար սերմերի գոման և տեսակավորման հետ, հողերի հետ, վորպես բույսերի զարգացման միջավայր, բույսերի վեգետացիայի հետ և այլն:

Լաբորատոր և եքսկուրսիոն աշխատանքի արդյունքը կլինի այն, վոր աշակերտները գործնականում կ'ծանոթանան տեղի բույսերի, հողի հետ, կհավաքեն բազմաթիվ նմուշներ, կդնեն փորձեր բույսերի ծլումը դիտելու համար և այդպիսով առաջ կգա աշակերտների մեջ հետազոտելու, ուսումնասիրելու մեծ հետաքրքրություն, կ'կապի նրանց շրջապատի հետ, վորի արդյունքը պարզ է, պետք է լինի այն՝ վոր կստեղծվի պատանի գավառագետ նատուրալիստների ակտիվ:

Բուսաբանության ուղղությամբ կատարված վողջ դիդակտիկ նյութը հավաքելով դպրոցական-գավառագիտական կաբինետում հիմք կը դրվի գավառագիտական բուսաբանական բաժնին, վորի շուրջը կհամախմբվեն պատանի նատուրալիստները խմբակները:

Այսպիսի մեթոդով հետազոտական աշխատանքներ են կազմակերպվում նուև գյուղի, շրբ-

Չանի կուլտուր-կենցաղային և տնտեսական կյանքն ուսումնասիրելու ուղղութեամբ:

Այդպիսի տեղական նյութի վրա հիմնված, յերեխաները կարող են դպրոցում գիտութիւնն ձեռք բերելու ունակութիւնն ստանալ, նրանք կ'կարողանան տիրապետել գիտութիւնն ձեռք բերելու պրոցեսին-հետախուզող պրոցեսին: Ահա թե ինչու տեղական նյութը, ղիզակտիկայի տեսակետից, անգնահատելի չի:

Տեղական նյութի բազմակողմանի ուսումնասիրութեան հետեանքն այն կլինի, վոր աշակերտները վոչ միայն գիտութիւնն ստանալու կարողութիւնն ձեռք կ'բերեն, այլև բավականաչափ գնահատելի տեղեկութիւններ: Բացի գիտութիւնն ձեռք բերելու և ղիտելու կարողութիւննից, յերեխաները կստանան նաև հիմնական հասկացողութիւններ և փաստացի տվյալներ հայրենի գյուղի, շրջանի, ընդհանրապես՝ բնակավայրի մասին:

Բնակավայրն ուսումնասիրելու հսկայական աշխատանքը, չպետք է սահմանափակվի դպրոցական աշխատանքի շրջանակով: Գյուղական դպրոցը գավառագիտական աշխատանքի կազմակերպողն է, սկսողը: Այս կազմակերպողի շնորքով մոտեցումից է կախված բնակավայրի բազ-

մակողմանի ուսումնասիրութեան: գործին գյուղացիութեան լայն մասսաներին կապելու հնարավորութիւնը:

Դպրոցի և տեղական գավառագիտական թանգարանների մեջ պետք է լայն ու խոր աշխատակցութիւնն լինի: Այն նյութերը, վոր հավաքում են դպրոցները և վորոնք գիտական արժեք ունեն, հետագա մշակման նպատակով պետք է հանձնել տեղական գավառագիտական թանգարանին և դպրոցի գավառագիտական կաբինետին, վորն իր հերթին ծառայում է ամբողջ շրջանի դպրոցներին: Տեղի հասարակական-տրնտեսական և բնական-գիտական խնդիրները ուսումնասիրութեան համար գավառագիտական թանգարաններն ու կաբինետները ստիպված են ղիմել մասսայական ղիտողութիւններ: Այսպիսի ղեպքերում շատ հարմար է թանգարանի համար, իսկ կրթական և դաստիարակչական տեսակետից շատ ոգտակար է աշակերտներին համար, վոր այս մասսայական աշխատանքը կատարվի աշակերտների ուժերով:

Տեղական դպրոցը վոչ միայն կ'ծավալի գավառագիտական աշխատանքները, հետախուզական աշխատանքին կընտելացնի վոչ միայն իր դպրոցականներին՝ ապագա խորհրդային քաղաքացիներին, այլև տեղի ազգաբնակչութեանը:

Խորհրդային դպրոցի ուսուցիչը, ուսումնասիրելով տեղական նյութը, ստիպված կլինի ոգտ-

վել դպրոցական աշխատանքի տարբեր մեթոդներից, նայած տվյալ դպրոցի միջոցներին, ուժերին, նյութին և պայմաններին, նկատի առնելով յերեխաների հասակը և այլն: Իհարկե, ամենից հաճախ պետք է գործադրել աշխատանքի եփուկութուն-հետախուզական մեթոդը:

Անհրաժեշտ է միշտ հիշել, վոր գավառագիտական բնույթ կրող դպրոցական աշխատանքը պետք է համապատասխանի աշակերտների հասակի պահանջներին, պետք է սերտորեն կապված լինի յերեխաների կյանքի հետ և բղխի նրանց շահերից: Այս աշխատանքը միմիայն այն ժամանակ նշանակութուն կունենա, յերբ աշակերտը կ'կարողանա իր ամբողջ ակտիվութունը ցույց տալ այդ գործում: Թեկուզ այդ մասնակցութունը շատ ել տարրական լինի, այնուամենայնիվ պետք է աշակերտի ուժերի համեմատ լինի:

Ուսուցման և դաստիարակության վողջ պրոցեսում ոգտագործելով տեղական նյութը, վորպես ուսումնասիրության և հետախուզական աշխատանքի արդյունք, վորպես տեղական լավագույն դիդակտիկ նյութ, ուսուցիչը չպետք է մոռանա, վոր դպրոցը հենվելով տեղական նյութի վրա, ամենևին անընդունելի չպետք է համարի

հնչպես նախորդ գլխում արդեն ասել ենք: Այնվ այլ տեղի, հեռավոր տեղի նյութը: Ընդհակառակը, չպետք է սահմանափակվել տեղական նյութի նեղ շրջանակում, այլ պետք է հաստատուն կերպով հիմնվելով տեղական նյութի վրա, ուսումնասիրել այն վոչ թե առանձնացած, այլ որդանպես կապելով այն ամբողջ դպրոցական աշխատանքի հետ, կապել այն վողջ յերկրի ուսումնասիրության հետ:

Յերեխաները, անշուշտ, հետաքրքրվում են մոտիկ նյութով, բայց դրա հետ միասին հետաքրքրվում են նաև հեռավոր նյութերով: Մոտիկը պետք է կամուրջ լինի հեռավորին անցնելու համար, որդանապես կապված պիտի լինի նրա հետ:

Նոր ծրագրերն այդ են պահանջում և այդ մտնում է դպրոցի խնդիրների շարքը: պետք է մարդուն այնպես դաստիարակել, վոր նա ճանաչի իր բնակավայրը, հասկանա նրա կարիքները, պետք է դաստիարակել հասարակության ապագա այնպիսի գործունյա անդամ, վոր չ'սահմանափակվի ամեն մի փոքրիկ յերևույթի մեջ, այլ ընդհակառակը, այդպիսի ամեն մի յերևույթ ընդունի վորպես մեր հայրենիքի ընդհանուր սոցիալիստական սնտեսության, մի մասը:

Գավառագիտութիւնը դպրոցում պետք է ծառայի վորպէս դեպի ավելի լայն հորիզոններ ձգտում կազմակերպելու բազա և պետք է ընդ- լայնվի մինչև մի ավելի խոշոր մասշտաբ-ամբողջ յերկրի կամ ամբողջ հայրենիքի սահմանները:

Դպրոցական գավառագիտութիւնը պետք է դաստիարակի մեր բազմահազար դպրոցական- ների մեջ սեր դեպի մեր սքանչելի հայրենիքը, խորհրդային հայրենասիրութեան վառ զգաց- մունքներ, ճանաչելու մեր յերկիրը և նվիրվելու մեր Մեծ յերկրի հզոր վերելքին, աշխատելու և ապրելու հանուն մեր մեծ հայրենիքի, հանուն լեւնիւնի-ՍՏՄԼԻՆԻ վեհ գործի:

Հ Ր Ա Հ Ա Ն Գ

ԳԱՎԱՌԱԳԻՏԱԿԱՆ ԱՇԽԱՏԱՆՔՆԵՐԸ ԿԱԶՄԱԿԵՐ- ՊԵԼՈՒ ՄԱՍԻՆ

ԲՈՒՈՐ ՇՐՋԱՆԱՅԻՆ ԺՈՂՎՐԹԲԱԺՆԻ ՎԱՐԻՉՆԵՐԻՆ

Գավառագիտական ընկերութիւնների և բյուրոների վերացումից հետո, այդ աշխատանք- ները բոլորովին մոռացութեան արվեցին: Վորոշ շրջաններում գոյութիւն ունեցող գավառագի- տական նյութերը ցաք ու ցրիվ յեզան: Նույնիսկ գտնվեցին մարդիկ, վորոնք գավառագիտական ընկերութիւնների վերացումը բացատրեցին, վորպէս առհասարակ գավառագիտական աշխա- տանքների վերացում: Այդ պետք է բացատրել միայն և միայն, վորպէս թշնամական վերաբեր- մունքի արտահայտութիւնը դեպի խորհրդային գավառագիտութիւնը և գավառագիտական ակ- տիվը:

Նախկին գավառագիտական ընկերութիւն- ները դարձել էին անգործունյա կազմակերպու- թիւններ, վորոնք մասսայական վոչ մի աշխա-

տանք չէյին կատարում և աշխատանքի մեջ էյին ներգրավել նացիոնալիստական -հակահեղափոխական տարրեր, փորոնք զավառագիտական աշխատանքները կտրել էյին մեր առօրյա քաղաքական խնդիրներից և այն վեր էյին ածել միայն բնական հարստություններ ուսումնասիրող ապաքաղաքական մի կազմակերպության:

Սակայն խորհրդային գավառագիտության խնդիրները շատ ավելի լայն են ու խորը:

Առաջին հերթին խորհրդային գավառագիտությունը հանդիսանում է մեր յերիտասարդության մեջ խորհրդային հայրենասիրության, դեպի մեր Մեծ Հայրենիքն ունեցած սիրո դաստիարակության հզոր լծակներից մեկը:

Այսպիսով, գավառագիտական աշխատանքների բովանդակությունն ու խնդիրներն են՝

1. Զարգացնել լայն ժողովրդական մասսաների մեջ ինքնագործունեյություն և դարձնել նրանց սոցիալիստական շինարարության ակտիվ մասնակիցներ:

2. Մեր հայրենիքի հետախուզական ուսումնասիրությունների (տնտեսության, պատմության, կուլտուրայի, կենցաղի, ոգտակար հանածոների ուսումնասիրություններ և այլն) մեջ ներգրավել ժողովրդական ավելի լայն մասսաների:

3. Լայն մասսաներին ծանոթացնել մեր յերկրի, ռայոնի, բնակավայրի հետ:

Գավառագիտական ընկերությունների վերացումից հետո, այժմ ավելի լայնորեն և իր ամբողջ խորությամբ պետք է դնել գավառագիտական աշխատանքների հետագա ծավալման և ավելի ու ավելի զարգացման հարցը:

Մեր յերկրին հարկավոր են հազարավոր լամբահներ՝ Հոկտեմբերյան Սոցիալիստական Մեծ Հեղափոխության համար մղված պայքարի պատմության, սոցիալիստական շինարարության հարցով զբաղվողների, բնասերների, նատուրալիստների, յերիտասարդ գավառագետների, աշխարհագրության հարցերով հետաքրքրվողների, պատմության, հնագիտության, յերկրաբանության և այլն:

Հարկավոր են զրույցներ այդ բոլոր հարցերի շուրջը:

Անհրաժեշտ են դասախոսություններ առանձին շրջանների ազգագրության, ֆոլկլորի մասին, հարկավոր են աշխարհագրական, բնագիտական, կուլտուր-պատմական եքսկուրսիաներ, տուրիստական արշավներ՝ առանձնապես դեպի քաղաքացիական կռիվների վայրերը, եքսկուրսիաներ դեպի ոգտակար հանածոների վայրերը և այլն:

Գավառագիտական աշխատանքների մեջ

պետք է ներգրավվեն նախաձեռնող, գործունյա, խանդավառությամբ այդ աշխատանքներին կրպչող մարդիկ և լավ կազմակերպիչներ:

Այդ աշխատանքների կազմակերպման ու ղեկավարման ամբողջ պատասխանատվությունը շրջանում ընկնում է շրջժողկրթբաժինների վրա, վորոնք այդ գործի մեջ պետք է լայնորեն ներգրավեն դպրոցները՝ աշակերտությանը, ուսանողներին, ուսուցիչներին, պրոֆմիությունները, ակումբները, պիոներ կազմակերպությունները և հատկապես կույերիտական կազմակերպությունները:

Անհրաժեշտ է պատշաժ բարձրության վրա դնել խորհրդային գավառագիտության աշխատանքները շրջանում, հավաքել գավառագիտության վերաբերյալ բոլոր նյութերը, կենտրոնացնել այն շրջկենտրոնի վրե՛ս գալրոցում և վերածել այն գավառագիտական թանգարանի:

Թանգարանի աշխատանքների մեջ ներգրավել մեր Մեծ Հայրենիքն ուսումնասիրողների բոցավառ հայրենասերների ակտիվը:

Առաջարկվում է բոլոր ժողկրթբաժիններին ղեկավարվել սույն հրահանգով և բոլոր կազմակերպչական հարցերով դիմել Լուսժողկոմատի ԲՈՒՀ-երի վարչություն կից գործող գավառագիտա-

կան աշխատանքները ղեկավարող կազմ-կոմիտեին:

Կազմկոմիտեյին պարտավորեցնել ուժեղացնելու կենդանի կապը շրջանների հետ և գործնական ոգնություն ցույց տալ շրջաններին՝ գավառագիտական աշխատանքների վերակառուցման գործում:

Հայկական ԽՍՀ Լուսժողկոմ՝

Բ. ՄԱՐՏԻՐՈՍՅԱՆ

ԲՈՒՀ-երի վարչության պես՝

Գ. ՇԱՐՈՅԱՆ

1938 թ. 12 դեկտեմբերի.



ԻՆՉ ԿԱՐԴԱԼ

ՀԱՅԵՐԵՆ ԼԵԶՎՈՎ ԼՈՒՅՍ ՏԵՍԱԾ ԳԱՎԱՌԱԳԻՏԱԿԱՆ

ԳՐԱԿԱՆՈՒԹՅԱՆ ՑԱՆԿԸ

1. Ա. Ի. ՉԵՆՍ-ԼԻՏՏՈՎՍԿԻ յեվ Ի. Ս. ԱԲՐԱՄՈՎ.— Բնակավայրի ուսումնասիրությունը. հրատ. 1928 թ. հոգ. 236, գիճը 1—50 կ.
2. Վ. ԴԱՐՑԱՆ.— Խարհրդային գավառագիտության խճիրները. հրատ. 1939 թ. հոգ. 64, գիճը 1 ուրբի:
3. Ռ. ԳԱԲՐԻԵԼՑԱՆ.— Պատանի բնասերների խմբակ. հրատ. 1930 թ. հոգ. 83, գիճը 40 կապեկ:
4. Մ. ԶԱՌՍՅԱՆ.— Իճնչպես յեվ վաճեղ կատարել յերկրաբանական դիտողություններ. հոգ. 69, գիճը 50 կապ.
5. ԱԼ. ԱՐԱՐԱՏՑԱՆ.— Ֆենոլոգիական դիտողություններ. հոգ. 67, գիճը 50 կապ.
6. Բյուլլետեն № 3—4, Հայկական ԽՍՀ Լուստողկամատի 1938 թ. Հրահանգ գավառագիտական աշխատանքները կազմակերպելու մասին:
7. ԳԱՌՆԻ-ԳԵՂԱՐԻ.— ՊՀՊ Կամիսեյի հրատարակություն. հոգ. 46, գիճը 4 ուրբի:
8. ԳԻԼԻԶԱՆԻ ՇՐՋԱՆ.— ՊՀՊ Կամիսեյի հրատարակություն. հոգ. 38, գիճը 4 ուրբի:

9. ՎԱՂԱՐՇԱՊԱՏԻ ՇՐՋԱՆ.— ՊՀՊ Կամիսեյի հրատարակություն. հոգ. 28, գիճը 4 ուրբի:
10. Ս. ԼԻՍԻՑՑԱՆ յեվ ՅԵ. ԲԱՅԲՈՒՐԴԱՆ.— Հնությունների ցույցակագրությունն ու նկարագրությունը. հոգ. 72, գիճը 40 կապ.
11. Վ. ԴԱՐՑԱՆ.— Խարհրդային գավառագիտությունը յեվ դպրոցը. հոգ. 40, գիճը 20 կապ.
12. Վ. ԴԱՐՑԱՆ.— Դեպի Նյբրուս. հոգ. 74 գիճը 2 ուրբի:
13. Վ. ԴԱՐՑԱՆ, Գ. ՍԱՐՑԱՆ, ԲՈՒԴԱՂԱՆ.— Արագածի առաջանել արեավր—1934 թ. հոգ. 96, գիճը 1 ո.
14. ՀՈՎՀ. ԿԱՐԱՊԵՏՑԱՆ.— Արագած յեռը. հոգ. 50, գիճը 40 կապ.

ԲՈՎԱՆԴԱԿՈՒԹՅՈՒՆ

1. Նորհրդային գավառագիտութիւնը . . . 3 էջ
2. Գավառագիտութիւնը և դպրոցը . . . 16 »
3. Հրահանգ գավառագիտական աշխատանքները կազմակերպելու մասին . . . 33 »
4. Ի՞նչ կարգալ . . . 38 »

Վ Ի Պ Ա Կ

Եջ 32 ներքևում բաց է թողնված.

*) Ծանոթութիւն. Դպրոցական գավառագիտութեան վերաբերյալ վորոշ դրույթներ քաղվածորեն կաղմված են ըստ Ձենս-Լիտովսկու և Աբրամովի «Ինակավայրի ուսումնասիրութիւնը» և Վ. Դարյանի «Նորհրդային Գավառագիտութեան խնդիրները» գրքերից:

Գլավիտի լրագոր Վ.—2180, Գատվ. № 21, Տիրութ 1500

«ԱրմՖԱՆ»-ի տպարան, Յերեվան, Լենինի 67.

Հայաստանի Ազգային գրադարան



NL0427862

20129

ԳԻՆԸ 30 ԿՈՊ.

В. ДАРЬЯН
СОВЕТСКОЕ КРАЕВЕДЕНИЕ
и
ШКОЛА

ПРОСИЗДАТ
Ереван, 1939 г.

91
7-27